

خزینہٴ اوراق

تاریخ تألیف
۱ مایس سنہ ۱۲۹۷

جمعہ ایرتسی

نومبر
۱۸

عمومی اعتباریہ فنونہ دائر رسالہٴ ادبیہ در

آبدہ درت کرہ اولہ رق جمعہ ایرتسی کونلری چبقار

مقدار آنچه چبقاردیلر وال شونی بر شربت بهاسی ایت یاخود مستحقینه طاغیت دیدیلر .

شیخ محجویتله قبول ایتدی وتشکر ایدرک صاوشدی کتدی . فقط سمتی بیلدبرمامک ایچون کندوسنی تشیع ایدنلره وداع ایدردی ومسکنی آکلاشماق مقصدیله ، ارقهسندن کلنلری برر صورتله دفع ایلردی .

حارث بن همام روایت ایدرکه بن خفیا ارقهسندن کتدم . نهایت بر مغارهیه واصل و دروننه داخل اولدی . پاپوچلرینی چبقاره جق وایاقلرینی بیقایه جق قدر طیشارده توقف ایتدکن صکره بغته ایچری کیردم .

شیخ بر شاب تلیدی ایله اوطورمش ونفیس کباب وشراب ایله طونانش بر سفرهیه قورلمش . دیدم که ای شیخ محترم بو نه حال وحرکتدر و صورت و سیرتک بیننده کی فرق عظیم موجب حیرتدر . بو خطاب وعتابمدن غایت منفعل اولوب بکا بر درجه خشم وکین ایله باقده باشلادی که همان عصاسیله اوزرمه هجوم ایدم جک دیو قورقدم . حدتی بر از کسب سکون ایتدکده بو بینلری اوقودی .

بیت

زهد وتقوی لباسنی کیدم * تا که کسب معاشه اوله مدار
وعظ وپندی ده برکند ایتدم * ایلرم آنک ایله صید وشکار
هم اصولیله ارسلانک ایننه * کیررم ایتمه وقت و حال اجبار
هیئتسندن بن احسراز ایتیم * اوده طارغشلق ایلز اظهار

ارتكاب ايتدم فقط بر ايشي * كه اوله موجب خجالت و عار
 دهر حكمنده ايلسه انصاف * ايتز او باشي زيور سركار
 اندن صكره بكا دیدی كه يا قلسن بزمه طعام ايله واسترسه
 قالق كيت كوردیكی سویله .

شا كړینه دیدم كه الله ایچون طوغریسینی سویله بو ذات
 كیمدر . غربانك ممتازی وادبانك سرافرازی ابو زیدالسروجیدر
 دیو خبر ویردی .

بونك اوزرینه قالقوب عودت ایتدم و بو امر عجیب
 مشاهده سیله حل مشكل ایلدم .

منیف پاشا

انعكاس شمس

كره شمسك نشر ایتكده اولدیغی ضیا سفید تزیینات
 طبیعتدن اولان الوان مختلفه نك منبع اصلیسیدر . حیوانات
 و ازهارده اغاجلرده پچلرده ، معادن و اشجارده کوریلان ظریف
 و لطیف رنگلر بادی حصولی انجق او منبع منیرك طبیعت
 خاثر اولدیغی الوان مشوعه نك موجودات مذكوره اوزرینه
 وقوعبولان انتشارندن بشقه بر شی دكلدر .

شاید شو سوز موجب استغراب اولورسه بوراسی بیلغیلیدر كه
 عوالم فلكیه ده مشهود اولان كونش یالكر بزم كورمكده
 وسایه سینده یاشامقده اولدیغیز شمسدن عبارت اولمبوب دها
 نیجه نیجه شمس لر موجوددر كه بونلرك كیمیسی مافی كیمیسی یشیل
 كیمیسی صاری كیمیسی قرمزى اولدیغندن بو كونشلك اطرافنده